





# ОСТАЈЕМО ОВДЈЕ





# Omladinci dobijaju svoju organizaciju – Savez komunističke omladine Jugoslavije

Savez komunističke omladine Jugoslavije je bio omladinski ogrank Komunističke partije Jugoslavije (KPJ) od 1919. do 1948. godine.

Iako je zabranjen samo dvije godine od svog osnivanja i povremeno žestoko proganjan, nastavio je sa radom u ilegalu i bio je uticajna organizacija među revolucionarnom omladinom u Kraljevini Jugoslaviji, a naknadno je postao važan organizator Narodnooslobodilačke borbe protiv okupatora i domaćih kvinslinških snaga. Nakon Drugog svjetskog rata, SKOJ se ujedinio sa Ujedinjenom socijalističkom antifašističkom omladinom Jugoslavije (USAOJ) i postao šira organizacija jugoslovenske omladine - Narodna omladina Jugoslavije (NOJ), koja je kasnije postala Savez socijalističke omladine Jugoslavije (SSOJ).

SKOJ je osnovan u Zagrebu 10. oktobra

1919. godine kao politička organizacija revolucionarne omladine, koja je slijedila politiku Socijalističke radničke partije Jugoslavije (komunista). U okupljanju revolucionarne omladine i studenata-socijalista tada se naročito istaknuo Sima Miljuš. Za prvog sekretara novoformirane organizacije bio je izabran Dragoljub Milovanović.

Regionalni komiteti su prvo bitno bili osnovani, ali su ukinuti 1920. godine, dok je 1921. godine organizacija zabranjena zajedno sa partijom, koja je u međuvremenu promijenila ime u Komunistička partija Jugoslavije. Dva kongresa su tajno održavana tokom 1920-ih, Drugi kongres u junu 1923., a Treći kongres u junu 1926. godine. SKOJ je postao i član Međunarodne komunističke omladine.

Između dva svjetska rata, mnogi članovi organizacije su ubijeni od strane vlasti, zajedno

sa drugim komunistima. Među njima je bilo i sedam sekretara SKOJ-a: Paja Marganović, Mijo Oreški, Janko Mišić, Pero Popović Aga, Josip Kolumbo, Josip Debeljak i Zlatko Šnajder. Jedan od sekretara SKOJ-a bio je i Ivo Lola Ribar. Ipak, organizacija je nastavila da raste. Regionalni komiteti su ponovo uspostavljeni 1939. godine i u predvečerje Drugog svjetskog rata, organizacija je imala 30.000 članova.

Nakon što su sile Osovine okupirale Jugoslaviju 1941. godine, SKOJ je organizovao ujedinjeni omladinski front Antifašističke omladinske komitete, sa ciljem borbe protiv fašizma, koji su se na kongresu Antifašističke omladine Jugoslavije u Bihaću 1942. godine ujedinili u Ujedinjeni savez antifašističke omladine Jugoslavije (USAOJ). SKOJ je postao dio šire organizacije, ali je nastavio da nezavisno djeluje u njoj.

## IMPRESSUM

**UREDNIČKI KOLEGIJ:** Vedad Hajdarević, Malik Garibija, Denis Vrhovčić, Vesna Bukvić, Adnan Sobo, Kemal Lihic

**DTP:** Adi Kasumović

**Fotografije:** Nino Maričić

**E-mail:** informisanje@sdp.ba



## Mladima pružiti šansu da žive i rade u svojoj zemlji!

Odlazak mladih ljudi iz zemalja naše regije kome svakodnevno svjedočimo i zbog koga Bosna i Hercegovina, ali i naši susjedi, gube desetine hiljada mladih obrazovanih i stručnih ljudi, najveći je problem i izazov današnjice. Zato je danas najvažniji zadatak pružiti mladim ljudima nadu i šansu da žive i rade u svojoj zemlji, da zajedno stvaramo društvo u kojem će im život u domovini biti pristojan, a naknada za rad poštena i gdje neće svakodnevno biti izloženi mržnji i nacionalizmu.

Trud koji uložimo u izgradnju društva koje će znati zadržati svoju omladinu i stvaranje ambijenta za povratak onih koji su već otišli, sigurno će se višestruko vratiti svima.

Nacionalisti, koji danas vladaju i određuju naše sudsbine, svjesni su da se njihov svijet ruši onog momenta kada konačno po prvi put zaista izgube vlast. Njihova su carstva građena na interesu, nemaju ideje koje ih vežu, a mržnja koju siju samo je paravan za kriminal i korupciju. Zato je, više nego ikad, potrebno ujedinjenje svi stranačkih i nestrahačkih antinacionalističkih, antifašističkih i građanskih snaga u cijeloj regiji.

Što se Bosne i Hercegovine tiče, naš je imperativ da više nikada podijeljeni ne izděmo na izbore. Predano radimo na tome da stvorimo široki blok koji će omogućiti da se prvi put formira vlast bez nacionalističkih stranaka.

Nikome ne smijemo dozvoliti da zloupotrijebi naše namjere i izvrće naše riječi. Mi smatramo da svi ljudi imaju puno pravo da budu ponosni pripadnici svog naroda, da to ističu i u potpunosti žive u skladu sa svojim svjetonazorom, da svoju kulturu gaje, da svoj jezik uče i govore, da svoje običaje čuvaju i svoju vjeru isповijedaju u svakom dijelu svoje države. Ali upravo zbog budućnosti, zbog mladih ljudi cijenimo kako svi trebamo biti malo više Bosanci i Hercegovci. Na taj način, radeći u interesu cijele Bosne i Hercegovine, bit će nam svima zajedno puno bolje. Svako ima pravo da bude ponosni

pripadnik svog naroda, ali nitko ne treba da zbog toga mrzi drugog i drugačijeg.

Ne treba biti u zabludi, jer politička borba s nacionalistima nije nimalo jednostavna. Oni se bore grčevito i ne slijede nikakva pravila. Rade tako jer za njih ovo nije samo pitanje opstanka u vlasti, nego i pitanje ostanka na slobodi i mogućnosti prikrivanja nagomilanog kriminala.

Majka uspjeha jeste učenje pravih lekcija iz poraza i neuspjeha, zato vas mlade pozivam da učite na našim porazima i da ne ponavljate iste greške koje smo mi pravili. Gradite društva u kojima nećemo morati čekati da se dese velike nesreće i katastrofe, požari, mečave, poplave, da bismo pokazali ljudskost i zanemarili ko se kako zove i odakle je ko. Gradite svijet u kom ćemo se tako ljudski odnositi jedni prema drugima i kad za to nemamo vanrednih razloga.

Naravno da je to lakše reći, nego učiniti, pogotovo u današnje vrijeme zbog poremećenih vrijednosti koje su uspostavljene. Bez sumnje to jeste težak zadatak, ali na manje i lakše dostižne ciljeve nemojte pristati ni po koju cijenu. Dug je put pred vama, decenijama nas vraćaju unatrag, ali svaki korak naprijed na tom putu, mali ili veliki, pobeda je čovječanstva. Krenimo zajedno iz početka graditi iskreno bosansko-hercegovačko bratstvo i jedinstvo i nemojte dopustiti da bilo ko truje vaše odnose i vjeru da zajedno možete sve.

Nermin Nikšić





## Zaposleni ili ne, građani imaju pravo na zdravstvenu zaštitu

Aner Žuljević, delegat Socijaldemokratske partije BiH u Domu naroda Parlamenta Federacije BiH, na osnovu poslovnika ovog Doma, podnio je Zaključak kojim se zdužuje Vlada FBiH da, u roku od 30 dana, Parlamentu FBiH dostavi prijedlog izmjena i dopuna Zakona o zdravstvenom osiguranju FBiH (član 87., stav 5.), kojim će se osigurati provedba presude Ustavnog suda FBiH, vezana za ovaj Zakon.

„Iz obrazloženja presude jasno je vidljivo kako pristup iskazan u članu 87., stav 5. osporenog Zakona, kojim se pravo korištenja zdravstvene zaštite, koje je obustavljeno nakon što osiguranik nije uplatio doprinos (izuzev hitne medicinske zaštite) i način na koji se to pravo ponovno uspostavlja podmirenjem svih dospjelih, a neisplaćenih sredstva kantonalm Zavodu zdravstvenog osiguranja, prema ocjeni Ustavnog suda, na sjednici održanoj 14. oktobra 2014. godine, nije u skladu sa Ustavom FBiH.

Uslovljavanjem realizacije prava na zdravstvenu zaštitu isplatom dospjelih novčanih potraživanja iz obligacijskog odnosa, što, u suštini, predstavlja doprinos za zdravstvenu zaštitu, korištenjem povlaštenog položaja kojeg imaju kantonalni Zavodi zdravstvenog osiguranja, ne samo da je građanima ugroženo pravo na zdravstvenu zaštitu, već i pravo na jednakost stranaka pred zakonom.

Postavljeni zahtjev, Ustavni sud je analizirao u svjetlu člana II.A. 2.(1) o Ustava, kojim je FBiH obavezana osigurati primjenu najvišeg

nivoa međunarodno priznatih prava i sloboda, posebno stav u kojem se kaže kako sve osobe na teritoriji FBiH uživaju pravo na zdravstvenu zaštitu.

Pravo na zdravstvenu zaštitu, kao univerzalno pravo na nivou FBiH, utvrđeno je zakonima i u cijelosti opredijeljeno ulaganjem sredstava, na način uzajamnosti i solidarnosti. Za građane koji, objektivno, nisu u mogućnosti ulagati novčana sredstava za realizaciju prava na zdravstvenu zaštitu, novčana sredstva su obezbijedena iz sredstava Fonda za nezaposlene osobe, kao i Fonda solidarnosti. Ovim je u cijelosti obezbijedeno da sve osobe na teritoriji FBiH, pod uslovima utvrđenim zakonom, imaju zdravstvenu zaštitu u određenom obimu. Zdravstveno osiguranje, kao dio socijalnog osiguranja građana, čini jedinstveni sistem u okviru kojeg građani ulaganjem sredstava, na način uzajamnosti i solidarnosti, obavezano u okviru kantona osiguravaju ostvarivanje prava za zdravstvenu zaštitu i druge oblike osiguranja na način utvrđen zakonom. Na kraju, iz obrazloženja presude je jasno kako sve osobe na teritoriji FBiH, prema odredbama Ustava, uživaju pravo na zdravstvenu zaštitu, bez obzira na finansijske odnose koje postoje prema definiciji zakonskih rješenja, u okviru sistema zdravstvene zaštite, te da je apsolutno neustavna i nezakonita praksa obsustavljanja zdravstvene zaštite osiguranicima zbog neuplate obaveza od strane poslodavaca“, navodi se u obrazloženju ovog Zaključka.



## Vučićeva posjeta je promašena jer nije priznao genocid

Sjednica Ustavnopravne komisije Predstavničkog doma Parlamentarne skupštine Bosne i Hercegovine prekinuta je u trenutku kada su članovi Komisije trebali razmatrati dopune Izbornog zakona koje predviđaju zabranu kandidiranja na izborima osuđenim ratnim zločincima. Sjednica Ustavnopravne komisije Predstavničkog doma Parlamentarne skupštine Bosne i Hercegovine prekinuta je danas u trenutku kada su članovi Komisije trebali razmatrati dopune Izbornog zakona koje predviđaju zabranu kandidiranja na izborima osuđenim ratnim zločincima.

To je predložio poslanik Socijaldemokratske partije (SDP) Denis Bećirović kao i dopune Krivičnog zakona koje su predviđale zabranu negiranja genocida, a oba ova zakona trebala su biti predmet rasprave poslanika na sjednici Predstavničkog doma koja je zakazana za 7. septembar, nakon što o njima mišljenje da Komisija.

Na samom početku rasprave poslanik NDP-PDP-a Momčilo Novaković zatražio je da se o ovoj tački ne raspravlja tvrdeći da sjednici ne prisustvuju predstavnici hrvatskog naroda, iako je na zasjedanju bio Željko Komšić (Demokratska fronta – DF), potom se ispravio i kazao da sjednici ne prisustvuju članovi Hrvatske demokratske zajednice (HDZ) BiH Borjana Krišto i Nikola Lovrinović, koji su prethodno opravdali svoj izostanak.

U izjavi za medije Bećirović je ocijenio da je razlog zbog kojeg su Pandurević i Novaković napustili sjednicu zapravo samo formalni, smatrajući da je pozadina mnogo dublja jer oni nastoje onemogućiti raspravu o ovom pitanju uoči posjete predsjedniku Republike Srbije Aleksandru Vučiću.

Naglasio je i da je sve to urađeno da Vučić ne bi bio u neugodnoj poziciji, ali ga je Bećirović ponovo pozvao da kao predsjednik države koja je članica Ujedinjenih nacija prizna presudu najvišeg suda UN-a, odnosno Međunarodnog suda pravde, kojom je utvrđena da je u Srebrenici izvršen genocid.

## U Federaciji BiH već dvije i po godine vlada vanredno stanje

- Damir Mašić





## Na jesen u Sarajevu samit socijaldemokratskih lidera regiona

Delegacija Socijaldemokratske partije BiH, predvođena predsjednikom Nermom Nikšićem, bila je domaćin sastanka sa Zoranom Zaevom, premijerom Vlade Republike Makedonije i predsjednikom Socijaldemokratskog saveza Makedonije (SDSM). Na sastanku, kojem su, u ime SDP-a, prisustvovali i potpredsjednica Lana Prlić i Damir Mašić, politički direktor SDP BiH, razgovarano je o nastavku odlične saradnje dvije sestrinske partije, čiji će rezultat biti skorašnje održavanje regionalnog samita lidera socijaldemokratskih stranaka.

„Današnji sastanak je bio nastavak, prije svega, prijateljskog odnosa koji imamo sa SDSM-om i njihovim liderom Zoranom Zaevom. Na sastanku smo razgovarali o modalitetima daljne saradnje naše dvije partie, a kao prvi korak potvrde te saradnje bit će i pomoć premijera Zaeva u organizaciji ve-

likog samita socijaldemokratskih stranaka iz regiona, koji bi se na jesen trebao održati u Sarajevu.

Samit, na kojem bi trebali učestvovati svi lideri ljevice naše regije, bit će pokazatelj kako se mogu graditi dobri odnosi, koji neće biti opterećeni odnosima država regiona u prošlosti. Razvijanje saradnje i razmjena iskustava na ovom samitu će sigurno biti odličan temelj za stvaranje ambijenta za bolji život svih građana u regionu.

Sastanak smo iskoristili i za razgovor o aktualnoj političkoj situaciji u Bosni i Hercegovini i Makedoniji. U obje države uskoro slijede izbori, u Makedoniji lokalni, dok nas očekuju opšti izbori, pa smo ovom prilikom razmijenili iskustva sa čelnikom SDSM-a, čija partija ima neprocjenjivo iskustvo u provođenju i nadgledanju izbornog procesa“, naveo je Nikšić.



### Ne postoji volja da se riješi pitanje konstitutivnosti Srba u HNK


Ustav Hercegovačko-neretvanskog kantona, pored još tri kantona u Federaciji BiH, ne priznaje Srbi u ulogu konstitutivnog naroda. Kolegij Skupštine HNK se nije mogao usaglasiti da na dnevni red sljedeće sjednice Skupštine HNK uvrsti amandmane na Ustav HNK, kako bi Srbi postali konstitutivan narod u ovom kantonu.

Potpredsjednica Skupštine HNK i zastupnica

SDP-a BiH u Skupštini HNK Vesna Saradžić kaže da već drugi mandat vodi bitku da se ovo pitanje stavi na dnevni red, ali da za to nema razumijevanja i podrške.

„Potrošila sam cijeli mandat kako bi na dnevni red uvrstila amandmane, ali jednostavno nema volje i spremnosti da se ovaj problem riješi. Klub Hrvata ne želi da se ovo pitanje stavi na dnevni red“, kazala je Saradžić i dodala da će na sljedećoj sjednici Skupštine HNK, čiji termin održavanja još uvijek nije poznat, zatražiti da se na dnevni red uvrste amandmani na Ustav HNK.

„Kao izgovor za neuvrštavanje amandmana na dnevni red navodi se da je potrebno sačekati mišljenje Vlade. Međutim, Vlada to mišljenje nije poslala“, govori Saradžić i dodaje da mišljenje Vlade nije obavezujuće. Ustavni sud Bosne i Hercegovine je prije 17 godina donio odluku o ravnopravnosti svih naroda, a nekadašnji visoki predstavnik Paddy Ashdown prije 15 godina je potvrdio da se Ustav FBiH mora odnositi i na kantone, te da svi narodi moraju biti ravnopravni. Međutim, te odluke ni do danas nisu ispoštovane.



### Zašto Razvojna banka FBiH prepušta poslove privatnim bankama?

Veći broj jedinica lokalne samouprave u Kantonu Sarajevo realizuje projekte subvencioniranja kamate privrednim društvima sa teritorije te općine, uz novo zapošljavanje. Sve općine su raspisale javne pozive bankama da dostave ponude, međutim, niti na jedan javni poziv se nije prijavila Razvojna banka Federacije BiH, kojoj je primarni zadatak podrška privredi i sličnim projektima. Irfan Čengić, dopredajedavajući Općinskog vijeća Stari Grad Sarajevo, kaže da je na svim pozivima posao dobila privatna banka koja ima veće kamatne stope od Razvojne banke, te da propuštanje jednog javnog poziva može biti slučajnost, ali propuštanje svih javnih poziva je već katastrofalna politika rukovodstva Razvojne banke.

“Ne mogu da shvatim da se Razvojna banka FBiH nije prijavila na naše javne pozive. Da su se prijavili sa svojim redovnim kamatnim stopama privrednici bi dobili beskamatne kredite i novac koji subvencioniraju općine bio ostao u javnim institucijama, a ne u privatnim bankama.

Očito da rukovodstvo Razvojne banke FBiH ne radi svoj posao i ne trudi se biti podrška privredi i otvaranju novih radnih mesta, a da novac namijenjen subvencioniranju kamata privrednicima završava na računima privatnih banaka. Ovakvo ponašanje dovoljno govori i o tome da Vlada FBiH nema jasniju viziju i strategiju podrške privrednicima i otvaranju novih radnih mesta“, smatra Čengić.

I dok svakodnevno iz HDZ-a i HNS-a pozivaju na ravnopravnost Hrvata, za to vrijeme upravo Klub Hrvata u HNK negira konstitutivnost cijelog jednog naroda. Zastupnici SDP-a BiH još ranije su pozvali da se u Skupštini HNK javno glasa kako bi se konačno vidjelo ko je za, a ko protiv da Srbi postanu konstitutivan narod u ovom kantonu.



## Kako bi prikrili svoju nesposobnost, vladajući se okreću borbi s nazivima ulica

Lana Prlić, potpredsjednica Socijaldemokratske partije BiH, u izjavi za Slobodnu Dalmaciju, smatra da je politika SDA-HDZ koalicije u Federaciji BiH doživjela je totalni krah, jer je ova koalicija pompeznog najavila ogromne reforme i napredak, međutim, nakon tri godine vlasti sve što su uspjeli je napraviti dvadesetak metara trotoara ispred zgrade Predsjedništva BiH, a, kako bi kompenzirali i prikrili svoju nesposobnost, vladajući se okreću borbi s nazivima ulica.

„Sarajevo je glavni grad, a nalazi se u ogromnim problemima koji se, kao malo gdje u našoj zemlji, ne mogu skriviti na nekog drugog. Komunalna privreda Kantona Sarajevo ubire plodove vlasti SDA već dva desetljeća. Redukcije vode, poskupljenja komunalnih usluga, užasan javni gradski prevoz, prljave ulice,... sve su to stvari s kojima sa kojima vlast ne može izaći na kraj, pa ljudi iz vladajuće stranke kao jedinog ravnopravnog protivnika pronađu tablu s imenom ulice. U neku ruku ih ne treba kriviti, jer to i jeste pravi domet ove vlasti, premijera i savjetnika.

Podsjetimo se da je prije nekoliko mjeseci SDA-ov Abdulah Skaka, gradonačelnik Sarajeva, na Dan oslobođenja grada u nekoliko intervjua njavio „borbu protiv antifašizma“. Smijali smo se na lapsuse gradonačelnika Sarajeva, ali postaje krajnje ozbiljno kada ti lapsusi prerastaju u stavove savjetnika premijera Kantona Sarajevo.

Treba biti iskren i reći da je izjava Tarika Dautovića naišla na tako žestok otpor i kritiku javnosti da se od njega ogradi čak i zvanična politika SDA. Time se pokazalo da javnost i dalje, pored sve propagande, ipak cijeni i nosi antifašizam i antifašističke vrijednosti. Međutim, očito je i da postoji snažna radikalna struja SDA koja bi da se s pozitivnim antifašističkim naslijedjem izbori na način kako je to urađeno u velikom dijelu Srbije i Hrvatske, ili na način kako je to HDZ uradio u mom Mostaru.

Većina ljudi u SDA to ipak radi mnogo manje radikalno, ali strpljivo i istrajno. Umjesto nagle promjene, prvo se radi na relativizaciji, pa se ustaški kolaboracionisti nazivaju herojima i po njima se imenuju škole”, navodi Prlić.



## Neka Izetbegović, Čović i Radončić u blato u kojem se valjaju ne uvlače SDP

Predsjednik Socijaldemokratske partije BiH Nermin Nikšić pozvao je čelnike vladajuće koalicije u FBiH da se već jednom počnu baviti rješavanjem velikog broja problema koji opterećuju građane, umjesto što se lažno ili stvarno kroz medije svađaju, a onda krive SDP i opoziciju za vlastitu nesposobnost i greške.

„Nije SDP kriv što za četiri godine vlasti SDA – SBB i HDZ neće biti izgrađen ni metar autoputa i što neće započeti niti jedna ozbiljna investicija u energetici. Dok je SDP vodio vlast izgrađeno je više od 60 kilometara autoputa, dok je najveći domet trenutne koalicije 60 metara raskošnog trotoara ispred zgrade Predsjedništva BiH. Jasno je da ni u aktuelnoj koaliciji nisu svi jednako odgovorni. Zato Izetbegović, Čović i Radončić trebaju objasniti kome i kako njihov premijer Fadil Novalić namjerava smanjiti penzije, jer je to po njegovom mišljenju poštено?! Vrijeme je da se javno o tome odrede.

Vlast koju je vodio SDP dva je puta povjećala penzije u tri godine i vratila trećinu od 180 miliona KM duga, koliko su Vlade SDA i HDZ napravile prema Fondu PIO i pensionerima. Neka čelnici SDA-SBB i HDZ objasne građanima kako je moguće da Elektroprivreda BiH (EPBiH) kupuje struju

za 120 eura po megavatu, a da je onda mostarskom Aluminiju, koj je potpuno prepušten HDZ-u, prodaje za 33 eura? Umjesto što svoju nesposobnost nastoje prikriti optužbama na račun SDP-a, bilo bi im bolje da objasne kako je moguće da je EPBiH, dok je njom upravlja SDP, poslovala pozitivno i u vrijeme najvećih poplava i najvećeg snijega koji su ikada zadesili BiH?

Danas ta kompanija ostvaruje desetine miliona KM gubitka i gotovo nema zaliha uglja na depoima termoelektrana.

Očito je da u koaliciji SDA i SBB nema nikakvih problema, kada su u pitanju premijer Novalić iz SDA i Nermin Džindić, federalni ministar energetike, rудarstva i industrije iz SBB. Njih dvojica, dok njihovi stranački šefovi medijski ratuju, sasvim dobro saraduju u vlastitim firmama koje posluju sa državnim. To očito nije problem za čelne stranaka koji su ih postavili na pozicije na kojima se nalaze.

Jasno je kako je koalicija SDA-SBB i HDZ zaustavila sve javne investicije u FBiH, pred slom dovela penzioni sistem i niz javnih preduzeća, te im poručujem da u blato u kojem se valjaju ne uvlače SDP koji ostaje opozicija njihovoj nesposobnoj i štetnoj vlasti“, rekao je u svojoj izjavi Nikšić.

### Novalić dokazao da sve što nosi naziv Herceg-Bosne ima povlašten status kod SDA

- Enver Bijedić





## Vlast postoji zbog privrednika, a ne privrednici zbog vlasti

Inicijativa za izmjenu Zakona o PDV-u, a koju je državni poslanik SDP-a BiH Saša Magazinović predstavio u saradnji sa institutom Kult, na način da se uvede sistem plaćanja PDV-a po naplaćenom, umjesto po izdatom računu, odbio je UO Uprave za indirektno oporezivanje uz šturo i kontradiktorno obrazloženje da je predloženi sistem neprihvatljiv. U pokušaju da objasne da je prijedlog izmjene zakona o PDV-u koji podržava više od 30.000 privrednika komplikovan za provesti, nisu objasnili kako to nije komplikovano i kako takav sistem naplate PDV-a funkcioniše u većini država članica EU i u zemljama regije.

Nakon negativnog stava prema prijedlogu za plaćanje PDV-a po naplaćenoj fakturi, Magazinović je, ponovo u saradnji sa Institutom za razvoj mladih KULT, prema Upravi za indirektno oporezivanje uputio zahtjev za očitovanje o inicijativi kojom se traži pomjeranje datuma plaćanja PDV-a sa 10-tog na zadnji radni dan u mjesecu. To je također zahtjev privrednika koji smatraju da je to najjednostavniji način da se bar malo izađe u susret poslodavcima. Oni

smatraju da bi produženje roka značilo dobar gest i dobru odluku aktualnih vlasti, ali i prvi korak ka uvođenju pravednijeg sistema naplate PDV-a od današnjeg koji praktično znači da privrednici beskamatno kreditiraju državu, a u zamjenu za to dobijaju vrlo malo ili gotovo ništa. Iako je do pokretanja ove inicijative prošlo dva mjeseca, stav UIO-a još uvijek nije poznat. „Iako je većina onih koji donose odluke svoj radni vijek provela na budžetu i ne razumije problem i potrebe privrednika, ipak vjerujem da u strukturama vlasti ima onih koji shvataju da vlast postoji ne da bi oni koji u njoj učestvuju primali platu, nego da bi artikulirali potrebe onih koji su ih birali. Bilo bi sjajno kada bi se zamjenile uloge pa da ključni kočničari u provedbi evropskih standarda i zahtjeva bh. privrednika pokušaju samo mjesec dana raditi u realnom sektoru. Tada bi shvatili kako mjesec brzo prođe, kako je teško prikupiti novac za plate, doprinose i porez, te posebno kako je pored svega toga imati osjećaj da država ne shvata ili ne želi da shvati vaše probleme i pomogne u njihovom rješavanju“, rekao je Magazinović.



**Radnicima se ništa ne poklanja, omogućuju im se poštено zarađene penzije**

Zahtjev Vlade FBiH i menadžmenta PIO da se u Domu naroda zaustavi usvajanje izmjena zakona o PIO koje omogućavaju određenom broju ljudi sticanje prava na penziju predstavlja poruku vrhunskog licemjerstva i nesposobnosti, smatra Elvir Karajbić šef kluba zastupnika SDP BiH u Predstavničkom domu Parlamenta Federacije BiH.

On upozorava kako se ne radi o brojci od 30.000 kojom se špekulisalo u medijima, ali da se radi o ženama sa 55 godina starosti i 30 godina uplaćenih doprinosu, te o muškarcima sa 60 godina starosti i 35 godina uplaćenih doprinosu.

„Javnost mora znati da se u ovom slučaju ne radi o izmjenama zakona koji nekome nešto poklanja, nego omogućavaju ljudima da počnu koristiti svoje pošteno zarađene penzije pod istim uslovima kao i svi oni koji su to ostvarili do kraja 2015 godine. Činjenica da je u Predstavničkom domu ovaj zakon podržala i pozicija i opozicija pokazuje da se radi o socijalno pravednom i na kraju korektnom rješenju.

Pričati o slomu PIO fonda, svaki put kad se neko treba penzionisati, a zaboravljati da u tom istom

fondu već odavno penzije koriste oni koji imaju značajno manje godina staža, predstavlja ništa drugo nego socijalnu neosjetljivost najgore vrste“, upozorava Karajbić.

On pita i zašto se predstavnici vladajuće stranke nisu oglašavala na ovaj način kad je PIO fond različitim štetnim zakonskim rješenjima u predizborno vrijeme bio bombardovan, nego su tada pristali biti dio, kako navodi, očigledno štetne političke igranke koju danas žele fakurisati budućim penzionerima.

„Gospodo, ako već niste u stanju da provedete ozbiljne reforme u socijalnom sektoru, onda nemojte utočiste tražiti u stalnom kolapsu sistema kad god građani trebaju ostvariti svoje pravo. Umjesto da stalno kukate, osporavajući građanima sa zarađenim penzijama da svoje pravo ostvare, mogli ste preskočiti kupovinu milionskog vozognog parka neki dan i tim sredstvima pomoći PIO fond. Na kraju, nadam se samo da će taj vaš zaključak o vlastitoj nesposobnosti delegiran prema Domu naroda ipak biti poražen zajedničkim glasanjem pozicije i opozicije u interesu građana ove zemlje“, govori Karajbić.

**Politički subjekti na vlasti nemaju nimalo savjesti da rješavaju goruća pitanja**



Parlament i Savjet ministara BiH trenutno odmaraju, ali po povratku sa godišnjih odmora čeka ih gomila gorućih pitanja, za koje ni vlast ni opozicija ne vjeruju da će biti rješena do sljedećih izbora. Hoće li opstati kabinet Denisa Zvizdića, kojom trasom će ići autoput Sarajevo-Beograd, hoće li se povećati akcize na gorivo i ima li BiH ikakve šanse da u skorije vrijeme Briselu dostavi popunjeno Upitnik – samo su neka od pitanja koja već u septembru čekaju izvršnu i zakonodavnu vlast BiH.

S obzirom na to da je parlamentarna većina na klimavim nogama, a Savjet ministara pred „crvenim kartonom“ šanse da ijedno od ovih pitanja bude rješeno u ovom mandatu ne daju ni oni koji sjede na rukovodećim pozicijama.

Slično mišljenje dijeli i poslanik SDP BiH, Mirsad Mešić, koji kaže da se, kada je riječ o BiH, više ne može govoriti o neodgovornoj vlasti, već neodgovornim političkim subjektima, koji nemaju nimalo savjesti da rješavaju goruća pitanja.

„Vlast se može, a i ne mora mijenjati, ali svi oni koji su u političkom životu BiH trebalo bi da rješavaju ono što su obećali u predizbornoj kampanji. Ovo što imamo u BiH je teška kombinacija teške neodgovornosti svih političkih subjekata“ ističe Mešić.




OSTAJEMO  
OVDJE

16. СЕПТЕМБАР  
САРАЈЕВО

12h MARŠ «OSTAJEMO OVDJE»

14h PROGRAMSKA KONVENCIJA  
FORUMA MLADIH

21h KONCERT - ZABRANJENO PUŠENJE



PREUZMITE JAVNE POLITIKE FORUMA MLADIH  
SDP BIH "OSTAJEMO OVDJE"



[www.sdp.ba/forum-mladih/](http://www.sdp.ba/forum-mladih/)



[www.facebook.com/forum.mladih.sdpbih/](http://www.facebook.com/forum.mladih.sdpbih/)



## Vlada FBiH mora prestati sa opstruiranjem primjene Zakona o suzbijanju korupcije i organiziranog kriminala

Socijaldemokratska partija Bosne i Hercegovine traži od Vlade Federacije Bosne i Hercegovine da povuče iz parlamentarne procedure izmjene Zakona o suzbijanju korupcije i organiziranog kriminala u FBiH, kojim se predlaže odgoda početka primjene ovog zakona.

Podsjećamo javnost kako je ovaj zakon na snazi već gotovo tri godine tokom kojih vlast SDA – SBB i HDZ nije učinila ništa kako bi se on počeo primjenjivati.

Obaveza Vlade je osigurati provođenje zakona, a ne beskonačno odlagati njegovu primjenu čime direktno staju u odbranu kriminala i korupcije.

Zakonom je, pored ostalog, propisano uspostavljanje posebnih pravosudnih institucija u okviru Vrhovnog suda i Federalnog tužilaštva Federacije BiH. One su nadležne za krivično gonjenje i suđenje najtežih oblika korupcije, organiziranog kriminala, terorizma, privrednog kriminala i privatizacijskih prevara na teritoriju cijele Federacije BiH.

Vlada Fadila Novalića najprije nije utrošila novac predviđen u budžetu za 2015. godinu koji je ostavljen od strane Vlade koju je vodio SDP BiH, kao što nije utrošila ni jednu KM za sprovođenje ovog zakona i iz budžeta za 2016. godinu. Uko-

liko se usvoje predložene izmjene zakona uvjereni smo i kako će novac koji je planiran budžetom za 2017. godinu također ostati neutrošen.

Odnos Novalićeve Vlade prema ključnom zakonu koji bi trebao osigurati efikasniji obračun države sa organiziranim kriminalom i korupcijom jedan je od ključnih razloga zbog kojih ova Vlada treba da ode.

SDP će stoga podržati izglasavanje nepovjerenja Vladi SDA – SBB i HDZ i zbog njenog očitog opstruiranja borbe protiv kriminala i korupcije.



Predsjedništvo SDP BiH

## Nema koalicije sa SDA, posvećeni smo građanskom bloku

Predsjedništvo Socijaldemokratske partije BiH je potvrdilo stav da SDP neće učestvovati ni u kakvom koaličiskom aranžmanu sa SDA u Republici Srpskoj, niti bilo gdje drugo, kao što to neće činiti u slučaju formiranja bilo kakvih drugih etničkih, a ne bosanskohercegovačkih blokova.

Dok se Vlada FBiH i premijer Novalić hvale suficitom u budžetu, prigodno „zaboravljuju“ da nisu uračunali 75 posto neotplaćenih kreditnih obaveza iz tekuće godine. Novalić i SDA zaboravljaju omladinu koju je njihova nesposobnost natjerala na masovni zbijeg u zemlje zapada. Zaboravljaju očito siromašne, gladne borce i penzionere koji strepe za svoja minimalna primanja. Umjesto da se brinu zbog neizgradnje autoputa, SDA-u je presudno pitanje kako se zove koja čaršijska ulica.

SDA, koja je najodgovornija za političko jačanje i afirmaciju Čovićeve retrogradne politike podjela države na ostavštini zločina, posljednja je stranka

koja može dijeliti lekcije o zločinačkom pothvatu. Očito se u SDA-u nadaju da će i građani zaboraviti njihovu podršku otvaranju Čovićevog neustavnog „herceg-bosanskog“ ureda u Mostaru, podršku segregiranju škola, izbacivanju nehrvata iz uprave Aluminija, Izetbegovićevu pozivanje na izbor „autentičnih“ Hrvata u Dom naroda FBiH i druge brojne SDA-ove činove afirmacije paradržave Herceg-Bosne.

Konačno, stranka koja u Sarajevu nadjeva imena školama prema simpatizerima ustaškog režima nema nikakvog prava da dijeli lekcije o veličanju zločina. Jedina satisfakcija u bolesnom igrokazu veličanja zločinačke paradržave Herceg-Bosne i navodne SDA-ove suprotstavljenosti, leži u činjenici da je danas u blizini Dubrovnika Dragan Čović ipak morao otvoriti granični prijelaz države, koja se i u najdaljim južnim dijelovima i dalje zove Bosna i Hercegovina.



## Tražimo da Parlament FBiH zaustavi samovolju Dragana Lukača

Najnoviji skandal s prijemom specijalaca još jednom je razotkrio svu samovolju i diktaturu koju Dragan Lukač provodi u Federalnoj upravi policije. SDP BiH još jednom zahtjeva primjenu zakonskih instrumenata propisanih Zakonom o unutrašnjim poslovima FBiH i pokretanje nezavisne parlamentarne istrage i nadzora nad radom Federalne uprave policije i nelegalnog direktora-penzionera Dragana Lukača.

Uvjereni smo da bi provođenje ovog nadzora otkrilo brojne nezakonitosti u radu i zapravo javnosti pokazala da federalna policija radi isključivo u interesima političkih centara moći, a nikako u cilju zaštite građana, njihovih života, imovine i općenito sigurnosti.

Inicijativu o pokretanju parlamentarnog nadzora u ovom slučaju, čemo uputiti na sljedećoj sjednici Parlamenta FBiH.

Četvorica kandidata koji su po objektivnim bodovnim rezultatima morali biti primljeni, uklonjeni su s liste, da bi na njihovo mjesto došli

podobni i odabrani po željama nelegalnog direktora.

Svaki građanin se treba zapitati, sutra kada nas budu spašavali u najtežim životnim situacijama, da li će umjesto fizičke i psihičke spremnosti od presudne važnosti biti ko im je bio štela da postanu specijalci ili kako su se izjasnili na konkursu. Hronični despotizam u FUP-u vidljiv je i kroz direktno kršenje Zakona o policijskim službenicima FBiH.

Ovaj zakon u članu 51, stav 4 d) navodi da je komisija za izbor ta koja predlaže kandidate i to one koji imaju najveći broj bodova s liste.

Uprkos jasnom slovu Zakona, direktor Lukač je prekoračio svoja ovlaštenja neovlašteno intervenišući u listu i prekršio Zakon postupajući suprotno njegovim odredbama.

Iz priloženih dokumenata može se vidjeti o kojim se zakonskim odredbama radi, te uporediti rang lista s listom primljenih kandidata i uvidjeti o kakvoj malverzaciji je riječ. Imajući na umu sve navedeno tražimo da Parlament FBiH osigura is-

pravljanje nepravde i nezakonitosti koja je počinjena.

Sada se vidi koliko je pogubno što ne postoji Nezavisni odbor Parlamenta FBiH jer je to jedini način da se osigura zakonit nadzor nad radom direktora Federalne uprave policije. Tako da u ovom slučaju nezakonite poteze direktora policije nema ko da kontroliše.

Podsjećamo da je to posljedica nepoštivanja zakona od strane trenutne vlasti i to prije svega SDA i HDZ BiH koji tako direktno štite samovolju direktora.

Očigledno je da su SDA i HDZ više nego svjesno blokirali uspostavu Nezavisnog odbora i Odbora za žalbe da bi preko Lukača, bez ikakvih smetnji, u policijske strukture instalirali njima podobne kadrove.

Nadamo se da će Parlament FBiH imati dovoljno snage da osigura provođenje nadzora i tako vrati federalnu policiju u službu njenih građana, a ne da ona bude privatna policija u službi moćnika iz SDA i HDZ, kao što je danas.



Premijer Federacije Bosne i Hercegovine Fadil Novalić izrekao je nedavno sa parlamentarne govornice niz neistina, pokušavajući i na taj način opravdati nezakonito djelovanje svoje Vlade u nizu slučajeva.

Novalić je u nekoliko navrata ponovio da u budžetu FBiH za 2015. godinu nije bio planiran novac za provedbu Zakona o suzbijanju korupcije i organiziranog kriminala koji je na snagu stupio u februaru iste godine.

S obzirom da je taj budžet Novalićeva Vlada naslijedila od Vlade koju je predvodio SDP, želimo javnost podsjetiti kako je za provedbu ovog ključnog antikorupcionog zakona u budžetu FBiH za 2015. godinu bilo planirano 3,3 miliona KM.

Novac je u skladu sa zakonom o suzbijanju korupcije i organiziranog kriminala bio predviđen unutar budžeta Vrhovnog suda FBiH i Federalnog tužilaštva.

Tako je budžet Vrhovnog suda FBiH bio uvećan za 1,8 miliona KM u odnosu na 2014. godinu, a budžet Federalnog tužilaštva za 1,5 miliona KM u

## Novalić neistinama brani nezakonito djelovanje Vlade Federacije BiH

odnosu na 2014. godinu. To je jasno vidljivo i lako provjerljivo u izvodima iz budžeta ovih institucija za 2015. godinu.

Navedeni novčani iznosi bili su dogovorenii sa predstavnicima ovih institucija te VSTV-a, kako bi se osigurao potreban novac za prijem sudija, tužilaca i drugog osoblja, te nabavila osnovna oprema neophodna za početak rada Posebnog odjela Vrhovnog suda i Posebnog odjela Federalnog tužilaštva. Također bio je postignut dogovor da se ove institucije smjesti u Palatu pravde iz koje je trebalo iseliti Ministarstvo pravde FBiH. Novalićeva Vlada nije dozvolila da se ovaj novac utroši za namjene za koje je planiran, kao što nije provela ni dogovor o izmještanju Ministarstva pravde FBiH.

Nakon toga nastavila je već tri godine svjesno opstruirati primjenu ovog zakona, stajući tako direktno u zaštitu kriminala i korupcije.

Nakon što je Predstavnički dom Parlamenta FBiH odbio produžiti odgodu primjene ovog zakona do kraja ove godine, zahtijevamo od koalicije SDA – SBB i HDZ da konačnu počnu provoditi zakon kojim se treba osigurati efikasnija borba sa korupcijom i najtežim oblicima privrednog kriminala. Njihovog premijera pozivamo da prestane iznositi neistine i osigura provedbu zakona, što je njegova dužnost i obaveza.

# MLADI VIJEĆNICI SDP BIH



# OSTAJEMO OVDJE



IRFAN ČENGIĆ  
STARI GRAD SARAJEVO



JASMIN BEŠLIJA  
GORAŽDE



AMINA JEKALOVIĆ  
BREZA



KADIR KIČIN  
GORNIJ VAKUF-USKOPLJE



ARMIN KARIĆ  
KALESIJA



VEDRAN KASER  
TEŠANJ



EDIS KEŠETOVIĆ  
SREBRENIK



AMIR KRANTIĆ  
KLJUČ



ISMET LULIĆ  
JABLANIĆA



ELVIR MAHMUŽIĆ  
TUZLA



MAID ŠKILJO  
DOBOK JUG



AMIR MEŠIĆ  
BOSANSKA KRUPA



MUAMER MEKIĆ  
STARI GRAD SARAJEVO



MUJO MURATOVIĆ  
ŽIVINICE



ARON MULAHALILOVIĆ  
GRADAČAC



NEDŽAD MERDAN  
ČAPLJINA



NEDŽLA GREĐA  
VISOKO



NERMIN DELJKIĆ  
TEŠANJ



NIHAD JUNUZOVIĆ  
KISELJAK



MIDHAT PALIĆ  
BUGOJNO



SALIM ŠABIĆ  
TRAVNIK



MIRELA SALKIĆ  
ŽIVINICE



SANJIN SARAČEVIĆ  
NOVI GRAD SARAJEVO



AIMAN SAWANDA  
SANSKI MOST



DEJAN ŠĆEPANOVIĆ  
VISOKO



SEDINA PILAV-HALEBIĆ  
JABLANIĆA



MERIMA SOFTIĆ  
TUZLA



ADIS ŠUŠNJAR  
BIHAĆ



DRAGAN TODOROVIĆ  
LUKAVAC



MIRZET TOPČAGIĆ  
GRAČANICA



VEDRANA KIŠIĆ  
BUGOJNO



EDIN ŽUJIĆ  
BANOVICI



MIRSAĐ DUPOVAC  
HADŽIĆI



NEDŽAD POBRIĆ  
KLJUČ



ALEN ŠEHIĆ  
KLJUČ



ALAN ŠERAK  
ILJAŠ



## Adnan Habibija podnio incijativu za izgradnju fabrike vode na izvorištima Klokot i Privilica



U gradskoj vijećnici Grada Bihaća održava se 13. sjednica Gradskog vijeća Bihać. Trenutna većina u Gradskom vijeću odbila je da se raspravlja o temi pitke vode u Bihaću u obliku Izvještaja po ovom pitanju.

Prema riječima vijećnika izvještaj nije spremn kvalitetno kako bi se o tome raspravljalo na kvalitetan način. O ovom problemu će se raspravljati u obliku informacije sa kojom će direktor JP "Vodovod" Bihać d.o.o. upoznati vijećnike.

Također, s obzirom na ovu problematiku, kojim se građani Bihaća susreću iz godine u godinu vijećnik SDP BiH Adnan Habibija je podnio incijativu za izgradnju fabrike vode na izvorištima Klokot i Privilica, kao i pokretanje interventne-biohemijske laboratotije pri JP Vodovod Bihać.

Sam rad fabrike bi se sastojao iz više samostalnih postupaka. Prvo bi se odradilo mehaničko pročišćavanje, taloženje, filtriranje i dezinfekcija na samim izvorištima, a potom bi sveježa i kvalitetna voda bez mogućnosti kontaminacije dolazila do slavina naših građana.

Samo na ovaj način može se dugoročno rješiti problem i zaštiti građane, te jednom i zauvječiti rješiti se straha od vremenskih neprilika i velikih padavina.

## Inicijativa Armina Karića: Godišnja ušteda građanima Kalesije oko 100.000 KM



Armin Karić, vijećnik Socijaldemokratske partije BiH u Općinskom vijeću Kalesija, na 6. redovnoj sjednici Općinskog vijeća Kalesija je predložio inicijativu da se u šalter sali Općine Kalesija osposobi šalter za naplatu općinske administrativne takse, a na kojem će raditi službenik Službe za budžet i finansijske poslove Općine Kalesija.



## Zahvaljujući nesposobnosti Vlade Kantona Sarajevo, stanje sa redukcijama vode bit će sve teže

Građani Sarajeva postaju sve nervozniji i gube strpljenje kada je u pitanju vodosnabdijevanje, koje već godinama u ovome kantonu nije uredno, iako za to redovno plaćaju račune.

Od obećavnih poboljšanja, zadesile su ih samo sve češće redukcije. Voda umjesto u ponoć, sada nestaje već u 22 sata, a zbog mnogobrojnih kvarova, mnogi su tokom najvećih vrućina uskraćeni za pitku vodu i tokom dana.

Zbog toga su građani glavnog grada BiH ogorčeni, što pokazuju kritike na račun direktora Vodovoda, ali i premijera. Kritike, posebno na Konakovićev račun, posljednjih su dana preplavile društvene mreže.

Sa tim građanima slažu se i zastupnici opozicije u Skupštini KS, koji kažu da se od silnih premijerovih obećanja, malo toga ispunilo, te da situacija izmiče kontroli.

„Od mnogobrojnih obećanja i ideja koje smo imali priliku čuti kada je ova Vlada počela da radi, vidjeli smo vrlo malo. Vodovod je bio od apsolutnih prioriteta i imali smo obećanja Vlade da će to za čas biti riješeno, međutim svjedoci smo da je

stanje sve teže. Problemi u Vodovodu puno su dublji i bili su prisutni i prije trenutnog rukovodstva, to je više od 20 godina pogrešne politike i vođenja sistema, što se sada ne može rješiti jednostavno. Ali mislim da ova Vlada nije sagledala šta je to istinski problem, jer se tu, da bi se uopće moglo sanirati postojeće stanje u Vodovodu, treba uhvatiti u koštač i sa bespravnom gradnjom i sa širenjem grada, jer infrastruktura nema mogućnost da ga prati. Mislim da ova Vlada to nije prepoznala i niko ko površno i na brzinu misli da može to rješiti, nema šanse i samo se gubi vrijeme, a stanje će biti samo teže“, kaže zastupnik SDP-a Slaviša Šućur.

Smatra da rješenju gorućeg problema u Kantonu Sarajevo ne doprinosi ni stalno prepucavanje premijera i direktora Vodovoda u javnosti.

„To je absurd. Premijer se ponaša kao da je on sa Marsa, a da je vlast koja postavlja menadžment firmi sa nekim drugim planetom, a svi znamo da oni dolaze iz iste političke strukture, tako da ta vrsta optužbi je zaista besmislena“, navodi Šućur.



## Vlast u Srebrenici ne zna raditi svoj posao


Rukovodstvo Socijaldemokratske partije BiH boravilo je u posjeti Općinskoj organizaciji SDP BiH Srebrenica, gdje su sa članovima ove organizacije razgovarali o trenutnoj političkoj situaciji u toj općini i u RS-u.

Članovi Općinskog odbora Srebrenica su istaknuli da aktuelno rukovodstvo Općine Srebrenica ne zna raditi svoj posao i da mnoge odluke koje donose nisu utemeljene na zakonu. Također, realizacija dogovorenih infrastrukturnih projekata je

katastrofalna.

OO SDP BiH Srebrenica je dao podršku rukovodstvu SDP-a u okupljanju građanskog bloka u BiH, pa tako i u RS-u, te su istaknuli da smatraju da koalicija sa SDA u RS-u nema smisla.

U delegaciji SDP BiH su bili generalni sekretar Irfan Čengić, potpredsjednik Enes Suljkanović, član Predsjedništva Senad Subašić i politički direktor Damir Mašić.



## SDA ruši načelnika Općine Lukavac



Opoziv lukavačkog načelnika Edina Delića koji je, navodno, pripremila SDA sa svojim koalicionim partnerima, neće se desiti. Ovu najavu, koja je sasvim očekivana s obzirom na složene odnose unutar lukavačke političke scene, opovrgnuo je predsjednik Kluba SDA u OV-u Lukavac Ermin Jusufović. Iako, kako je kazao, saradnje sa načelnikom iz SDP- a praktično nema, odluka o opozivu bila bi ishitrena, te SDA o tome uopšte ne razmišlja. S druge strane, lukavački načelnik Edin Delić uopšte nije iznenaden ovakvom odlukom i ubijedjen je da je ovaj potez SDA izvestan, te da je to kulminacija politike koju SDA vodi nakon što je izgubila poziciju lukavačkog načelnika.

„SDA je to najavljivala mjesecima i o tome se govori i na tome se radi od kraja izbora. Sve opstrukcije su bile priprema za opoziv. Pokušaj blokade budžeta, aktiviranje presuda, zatim neizglasavanje budžeta, sve to je trebalo stvoriti ambijent neodrživosti Općine sa novim načelnikom. Ja znam da postoje i ta odluka, ali da bi je proveli, moraju biti sigurni da će im proći, pa sad obilaze teren i sakupljaju glasove. Budžet koji sam ja donio je budžet koji je u nacrtu imao i moj prethodnik, a koji je bio iz SDA. Ništa ne стоји u Općini, ništa nije kompromitovano ovim budžetom i mojim odlukama, budžet je stabilan, gradi se kao nikad dosad i ništa ne bi opravdalo moj opoziv“, ustvrdio je načelnik Delić.



### Hitno preispitati okolnosti upotrebe policijske sile prema građanima

Šokirani užasnim dešavanjima u Vitezu kada su specijalne policijske snage MUP-a SBK/KSB primijenile silu nad narodom Krušćice, koji se okupljao na višednevnim mirnim protestima zaštite rijeke Kruščice, Kantonalni odbor SDP BiH Srednjobosanskog kantona traži da se hitno preispitaju okolnosti upotrebe pojačane policijske sile prema građanima.

Ovo su bili u potpunosti mirni protesti koji nisu ni na koji način ugrozili javni red i mir, ali su se pretvorili, zbog niza propusta u komandnoj strukturi, u bru-

talno iživljavanje nad okupljenim građanima kom prilikom je lakše ili teže povrijeđeno desetine žena, među kojima je bilo i trudnica.

Policijske snage bi trebale postojati isključivo zbog zaštite svih građana Bosne i Hercegovine, a ne privatnih interesa moćnih pojedinaca.

Ovim putem zahtijevamo sazivanje hitne Vanredne sjednice Skupštine Srednjobosanskog kantona na kojoj bi se razgovaralo o bezbjednosnoj situaciji na našem Kantonu, sa posebnim osvrtom na novonastalu situaciju u Krušćici.

### Svi socijalno ugroženi učenici moraju imati besplatne udžbenike



Odluka Ministarstva obrazovanja i Vlade Kantona Sarajevo da besplatne udžbenike ne dobiju svi učenici iz socijalno ugroženih porodica, nego samo polaznici prvih razreda, za Damira Mašića predsjednika Kantonalne organizacije SDP BiH Sarajevo i zastupnika u Parlamentu FBiH, samo je pokazatelj u kojoj je mjeri SDA-ova vlada socijalno neosjetljiva.

„Neshvatljivo je i potpuno neprihvatljivo da vlada Elmedina Konakovića u budžetu od 712 miliona KM ne može naći neznatna sredstva za naše najmlađe koji su najugroženiji i za njihove roditelje koji nisu u prilici da izdvoje 300 KM za udžbenike!

Vladu KS uopšte ne zanima obrazovanje. Ono se nažalost tretira kao teret i trošak, a ne kao ulaganje u budućnost i ključni garant napretka. Kako drugačije da protumačimo zatvaranje osnovnih škola, ukidanje besplatnih udžbenika ili zakonsko degradiranje Univerziteta u Sarajevu. Poseban skandal je nedavni zahtjev da se studente obaveže da kupuju godišnju kartu za GRAS! Na ovaj način pljačkajući studente pokrivaju dugove koje su napravili pljačkajući GRAS. Posljednje uskraćenje novca za udžbenike za svu djecu u stanju socijalne potrebe, samo je jedan u nizu koraka u istom smjeru“, ističe Mašić.

On napominje i da su prošle godine Federalno ministarstvo obrazovanja i nauke i Vlada Federacije BiH ukinuli program besplatnih udžbenika za svu djecu u stanju socijalne potrebe na području cijele FBiH. Podsjećanja radi ovaj program realizovan je u prošlom mandatu kada je federalnu vladu vodio SDP BiH. Mašić ističe da se tada nastupalo sa vrlo jednostavnim ciljem da svi socijalno ugroženi učenici moraju imati besplatne udžbenike.

„Nadam se da je do sada već svima jasno da je u proteklih nekoliko godina na sceni smisleni projekt ukidanja pomoći učenicima u stanju socijalne potrebe, te da SDA premjeri, ministri i vlade taj projekat dosljedno provode na svim nivoima. Očigledno je da za njih pravo na obrazovanje pod jednakim uvjetima ne postoji, te da radije novac preusmjeravaju na širenje voznih parkova i krpjanje budžetskih rupa nastalih njihovom nesposobnošću i neodgovornošću. Vlada Kantona Sarajevo i Ministarstvo obrazovanja moraju što prije revidirati svoju odluku i ispraviti nepravdu koju čine. Dovoljno novca sigurno ima, pitanje je samo da li su ova djeca dovoljno bitna SDA-ovim vladama, premjerima i ministrima“, upozorava Mašić.



## Stari Grad Sarajevo



## Briga za starije je naša dužnost

Potpisivanjem Ugovora o partnerstvu, Općine Stari Grad i Centar Sarajevo u rad su pustili Centar za zdravo starenje u ulici Muhameda Kantardžića 3 u zgradbi Svjetlosti. Otvaranju Centra su prisustvovali i dopredsjedavajući Općinskog vijeća Stari Grad Sarajevo Irfan Čengić i vijećnik SDP BiH u Općini Centar Denis Challenger.

„Danas su naše dvije općine zajednički otvorile Centar za zdravo starenje. Iako je u pitanju nadležnost viših organa vlasti nismo željeli čekati, uvidjeli smo da je nedostatak ovakvog centra problematičan te smo se odlučili na ovaj potez jer brigu za naše sugrađane u trećoj životnoj dobi smatramo svojom dužnošću. U narednom periodu planiramo izgradnju i otvaranje novih centara za zdravo starenje kako bi bili lakše dostupni svim našim građanima“, kaže Čengić.

Novi Centar za zdravo starenje smješten je na granici dvije općine, što daje dodatnu simboliku, jer je namijenjen za osobe treće životne dobi obje sarajevske općine.

Centrom za zdravo starenje će upravljati Udruženje „Partnerstvo za javno zdravlje“, koje je također jedan od potpisnika Ugovora. Koordinatorica Centra za zdravo starenje Varja Nikolić se zahvalila načelnicima i predstavnicima općina Stari Grad i Centar Sarajevo, te njihovim stručnim timovima na implementaciji ovog projekta. Dodata je i da je ovo nastavak širenja mreže ovakvih centara na području čitavog grada.

Otvaranje Centra za zdravo starenje u svim lokalnim zajednicama u BiH je programsko opredjeljenje SDP BiH na kom će partija nastaviti raditi.

U prostorijama SDP-a Gračanici je održana konstituirajuća sjednica Savjeta za obrazovanje OO SDP BiH Gračanica. Usvojen je program rada, te definisane smjernice za rad u narednom periodu. Članice i članovi Savjeta, raspravljali su o stanju i izazovima vaspitno-obrazovnog sistema u Bosni i Hercegovini, te poboljšanja rada u svim o vaspitno-obrazovnim ustanovama, počev od predškolskog, osnovnog i srednjeg, pa sve do univerziteta. Diskutovalo se sa jedne strane o učenicima i studentima, njihovim potrebama, naročito djece sa smetnjama u razvoju i nadešenim učenicima i studentima. S druge strane, obrađena je tema nastavnika i izazovima sa kojima se suočavaju u bosanskohercegovačkim uslovima.

Savjet za obrazovanje OO SDP BiH Gračanica, kojeg čine iskusni prosvetni radnici kao i mladi nezaposleni kadar nastavnika, je jedan od rijetkih savjeta na općinskom nivou organiziranja SDP-a, koji obrađuju jednu od najvažnijih tema svakog društva tj. obrazovanja kao temelja razvoja svake države.



## Višemjesečni nerad Općinskog vijeća Bugojno

Klub vijećnika SDP-a Bugojno u Općinskom vijeću je ogorčen činjenicom da još od 15. maja ove godine nije održana niti jedna sjednica Općinskog vijeća. Očito da vladajuća većina sa predsjedavajućim Općinskog vijeća i načelnikom Općine smatra da u Bugojnu nema nikakvih gorućih problema, iako smo svakodnevno svjedoci da ih itekako ima, te da mnogi segmenti ne funkcionišu kako bi trebali.

Iako je već osmi mjesec tekuće godine na izmaku, Program rada Općinskog vijeća Bugojno za 2017. godinu realizovan je tek 12,50 posto, odnosno, od planiranih 104 aktivnosti, OV je razmatralo tek njih 13, i to uglavnom aktivnosti koje se podrazumijevaju u redovnom radu OV.

O neradu Općinskog vijeća dovoljno govori činjenica da još uvijek nije prezentiran Izvještaj o izvršenju budžeta za 2016. godinu.

Na taj način nastavlja se stara praksa nedostavljanja finansijskih pokazatelja o radu općine, jer dobro znamo da ni izvještaj za 2015. godinu nikada nije bio na dnevnom redu.

Pored toga što Općinsko vijeće i javnost već dvije

godine nemaju uvida u trošenje javnih sredstava kojima upravlja načelnik Općine, indikativno je i to da već četiri godine niko nema uvida u rad i poslovanje javnih preduzeća i ustanova naše općine, jer isti nikome ne podnose izvještaje.

Apsurdno je i da je nova akademska godina na pragu, a da Općinsko vijeće još uvijek nije donijelo odluku o dodjeli stipendija za proteklu godinu. To dovoljno govori o podršci našim studentima, mlađim ljudima, u koje se načelnik zaklinje.

Pored ovoga, Općinsko vijeće je već odavno trebalo razmatrati program poticaja poljoprivredne proizvodnje za 2017. godinu, ali očito postoji drugi prioriteti vladajuće većine i načelnika Općine.

Od svega gore navedenog vladajućoj većini u Općinskom vijeću važnije je zbrinjavanje njihovih stranačkih aktivista, tako da već duži vremenski period na platnom spisku općine imamo osobe koje su bez ikakvog konkursa i kriterija uposlene u Razvojnu agenciju Bugojno, iako Općinsko vijeće nikada nije donijelo odluku o osnivanju pomenute agencije.

## Stjepan Mesić i Jasmin Imamović posjetili tvrđavu u Srebreniku



Gradonačelnik Tuzle i član Glavnog odbora SDP BiH, Jasmin Imamović, susreo se sa bivšim predsjednikom Republike Hrvatske i počasnim građaninom Tuzle, Stjepanom Mesićem, njegovim saradnicima i prijateljima.

U okviru susreta, bivši predsjednik Republike Hrvatske i gradonačelnik Imamović, posjetili su Stari grad u Srebreniku, jedan od simbola kontinuiteta bosanskohercegovačke državnosti, srednjevjekovnu tvrđavu, u kojoj su, između ostalih, stolovali bosanski ban Stjepan II Kotromanić i njegov nasljednik i prvi bosanski kralj, Tvrtko I Kotromanić.

Mesić je počasni građanin Tuzle od oktobra 2015. godine kada mu je povodom 72-godišnjice odbrane Tuzle dodijeljeno to priznanje.

“Tuzla je u najtežim trenucima sačuvala ono što je njeni osnova, toleranciju, odsutnost odvajanja po bilo kojoj osnovi. Suživot u toleranciji je jedini izlaz iz vrtloga i uzajamne mržnje u koje su nas bacali ratovi.”, rekao je ovom prilikom Mesić.



## Centar Sarajevo



### 2018. godina će biti sjajna godina za ljevicu


Sljedeća godina će biti sjajna godina za ljevicu, ali bez ujedinjenja kojeg građani silno žele to se neće moći postići. Nadam se da će SDP, DF i još neke lijeve stranke to uspjeti. Mislim da je ujedinjenje prijeko potrebno jer samo tako možemo pobijediti na izborima i uraditi nešto za građane, kazao je za Denis Challenger, vijećnik SDP-a u Općini Centar.

On je kazao kako smatra da će građani kazniti nerad aktuelnih vlasti i da će SDP biti lider koji će ovu državu pokrenuti naprijed. Mišljenja je da država mora ponuditi ambijent u kojem će ljudi moći da rade i stvaraju.

Challenger radi na projektu postavljanja prvog biljnog zida u Sarajevu. On je govoreći tome naveo da se radi o prvoj zelenoj fasadi što će predstavljati nezaobilaznu atrakciju, te da se završetak radova na tome očekuje krajem septembra, dok je u projekat uključenja Općina Centar koja je glavni finansijer.

Istaknuo je da su vijećnici SDP-a, fokusirani na zapošljavanju mladih ljudi kroz projekte.

“Imamo projekte koji su spremi i uskoro ćemo ih predstaviti. Planiramo da putem projekata zaposlimo pripadnike nacionalnih manjina, odnosno romsku populaciju, tačnije 20 do 30 ljudi u jednoj firmi”, dodao je Challenger.



ječu Ilidža neće ni pod bilo koju cijenu podržati pomenuti Regulacioni plan. Podržat ćemo samo onaj Regulacioni plan koji je u interesu građana, a koji između ostalog podrazumijeva toliko obećavanu izgradnju osnovne škole u MZ Stup 2. Bit ćemo istrajni iako to može značiti blokadu daljnog djelovanja općinskog vijeća kojom Memić prijeti ukoliko se ne usvoji Regulacioni plan po mjeri Memića. Također se nadamo da podrška šefa Kluba vijećnika Naše stranke, Elvise Vrete Regulacionom planu Stup Nukleus nije i zvanični stav i podrška Naše stranke.

Peripetije ilidžanske SDA i njenih glasačkih privjesaka u Općinskom vijeću Ilidža vezanih za Regulacioni plan Stup Nukleus opravdavaju naše i sumnje građana u njihove dobre namjere. A i ukoliko iole postoje, očigledno su put ka najgorem za Ilidžu.

## Kome smeta Katolički školski centar u Bihaću?

Predsjedništvo Kantonalnog odbora Socijaldemokratske partije BiH Unsko-sanskog kantona na održanoj sjednici, razmatrajući aktuelnu političku situaciju u kantonu, veliku pažnju je posvetilo gorućem pitanju – neriješenom statusu Katoličkog školskog centra „Ivan Pavao II“ u Bihaću.

SDP smatra da se Katolički školski centar u Bihaću svojim obrazovnim i odgojnim konceptom trudi postići da mladi ljudi dostignu ljudsku i moralnu zrelost, kako bi se što bolje prilagodili savremenim društvenim promjenama, želeći ih kvalitetno ospособiti za život i snalaženje u sve kompleksnijem svijetu.

Pri tome ova školska ustanova, u koju je osnivač do sada ulazio više od pet miliona KM, pored visokih obrazovnih standarda, otvorena je novim izazovima koji se tiču konstruktivnog dijaloga unutar multikulturalnog društva ovog vremena i sredine, te odgoju u njoj ima posebnu funkciju pri izgradnji tolerantnog, solidarnog i mirnog društva.

Očito je da su ove vrijednosti prepoznali đaci – njih 480, kao i njihovi roditelji, što dokazuje i veliki

interes za upis u sve smjerove koje razvija KŠC u Bihaću, ali je evidentno da sadašnja vlast nije sklona ovom obrazovnom konceptu i sasvim vidljivo opstruira postojanje i opstanak ove obrazovne institucije.

Predsjedništvo KO SDP BiH USK, u vezi ovog pitanja, stava je da svako dijete ima pravo na slobodu izbora prilikom odabira zanimanja i upisa u obrazovne ustanove u Unsko-sanskom kantonu, a odgovorna vlast je dužna obezbijediti finansiranje obrazovanja naše djece, po uzoru na ostalih šest Katoličkih školskih centara u Bosni i Hercegovini.

Predsjedništvo KO SDP BiH USK protivi se bilo kakvom "preuzimanju" i dirigiranim premještanju učenika iz jedne obrazovne ustanove u drugu, protiv njihove volje i izbora, te zahtjeva od Vlade USK, resornog ministarstva i poslanika u Skupštini USK da pokažu dobru volju i odgovornost, prvenstveno prema našoj djeci i njihovom izboru, te daju punu podršku rješenju problema osnivanja i finansiranja srednje Medicinske škole u okvirima Katoličkog školskog centra „Ivan Pavao II“ u Bihaću.

## Memićovo nametanje Regulacionog plana Stup Nukleus je nastavak urbicida Općine Ilidža

Općinska organizacija SDP Ilidža smatra da se javnost mora upoznati s autokratskim ponašanjem načelnika Općine Ilidža, Senaida Memića i njegove SDA. Pokazuju to njegova učestala nepoštivanja pravnih akata Općine i neuvažavanje stavova građana. Krajnje negativne posljedice takvog ponašanja po životnu svakodnevnicu bi mogli vrlo skoro osjetiti građani MZ Stup 2, ukoliko se usvoji Regulacioni plan Stup Nukleus.

Podsjećamo, Regulacionim planom Stup Nukleus se namjerava izgradnja novih stambenih objekata u MZ Stup 2, što su građani jasno i glasno odbili na do sada održanim zborovima i javnim raspravama. Memić je zanemario stavove građana i nametnuo dvije tačke dnevnog reda za narednu sjednicu općinskog vijeća i to: Odluku o usvajanju Regulacionog plana Stup Nukleus

i Prijedlog Odluke o provođenju Regulacionog plana Stup Nukleus. Pri tome nije tu kraj bašnosti vladajuće oligarhije na Ilidži predvodene Memićom. Naime, Memić je u dopisu zatražio od Kolegija i Predsjedavajućeg općinskog vijeća, Muhameda Omerovića (SDA) da ne dostave materijal vijećnicima za ostale tačke dnevnog reda, ukoliko budu uvažili stavove građana, a ne Memića po pitanju Regulacionog plana.

Nažalost, i ovaj put su potrebe građana ustuknule pred politikanstvom, strahovladom i bezakonjem uzdrmane ilidžanske koalicije SDA-SBB. Eventualnim usvajanjem odnosno nametanjem Regulacionog plana Stup Nukleus će se nastaviti odavno svjesni i kontinuirani urbicid Ilidže. Ovaj put bi izigravani i ucjenjivani građani MZ Stup 2 od strane vladajućih mogli biti žrtve urbicida.

Klubovi vijećnika SDP BiH i DF u Općinskom vi-



## Austrija

Ahmed Husagić

# Ministar Kurz izjavama o pokrivenim ženama želi političke poene

Nakon izjave austrijskog ministra vanjskih poslova Sebastiana Kurza da se ženama u Sarajevu i Prištini plaća da u javnost izdaju potpuno pokrivene, reagirali su iz Socijaldemokratske partije Austrije, poručivši da ministar Kurz koristi populističku retoriku.

„Ja sam zapanjen izjavama ministra vanjskih poslova Austrije Sebastiana Kurza. Očigledno da ministar osim u svojoj zemlji traži opasnosti i u susjednim zemljama kako bi svoje građane plašio pred izbore. Zbog nedostatka izbornog programa, jedino što mu je preostalo je preuzimanje populističke retorike. Sada izmišlja i priču kako žene u Sarajevu i Prištini bivaju plaćene da hodaju po gradu pokrivene kako bi promjenile sliku

grada. Moja čitava porodica, prijatelji i poznanici kojih je veliki broj, a koji žive u Bosni i Hercegovini, nisu upoznati o takvim slučajevima. Jedino koga možemo vidjeti na ulicama bh. gradova su turistice iz arapskih zemalja koje su potpuno pokrivene, a koje u BiH dolaze zbog ugodne klime i prirodnih ljepota“, kazao je Ahmed Husagić, koordinator za integraciju Socijaldemokratske partije Austrije.

Dodaje da ovakvim neistinitim izjavama da je neko plaćen da hoda pokriven ne samo da šteći izgradnji povjerenja u BiH, nego i utječe na izgradnju nepovjerenja u austrijskom društvu.

„Sigurno je kontraproduktivno ovakvim izjavama stigmatizirati najintegrisaniju zajednicu u Austriji,

a to je prema svim parametrima bosanskohercegovačka. Jedino u vezi s čim bih se složio s gospodinom Kurzom je da treba ubrzati proces integracije zapadnog balkana u EU“, kazao je Husagić.

Podsjećamo, ministar vanjskih poslova Austrije Sebastian Kurz izrazio je zabrinutost zbog sve većeg utjecaja muslimanskih zemalja, prije svega Turske, ali i Saudijske Arabije, na zemlje Zapadnog Balkana.

„U Sarajevu ili Prištini se, naprimjer, ženama plaća da potpuno pokrivene izlaze na ulicu, kako bi promjenile sliku u gradu“, smatra Kurz i ističe da se to ne smije gledati bez djelovanja.



Zoran Zaev

# Makedonija uskoro ulazi u NATO

Makedonski premijer Zoran Zaev izjavio je da postoje realne šanse da Makedonija dobije jasnú preporuku da može da otvorí pristupné pregovore za prijem te zemlje u Evropskú uniu ove jeseni i da će ona biti 30. po redu država članica NATO.

Zaev je tokom sastanka sa pristalicama Socijaldemokratskog saveza Makedonije (SDSM) u istočnom predgrađu Skoplja – Dracevu, napomenuo da su realnost „ekonomske perspektive, mir u našim porodicama, nova radna mjesta, uspešne firme“ i podvukao da je Makedonija „započela procese i od države koja je stvarala krizu“ postala „država koja je pokretač razvoja“.



## Njemačka

# Martin Schultz ne želi u koaliciju sa konzervativcima



Martin Schultz je konzervativnu kancelarku u intervjuu za javnu televiziju ARD optužio da je pokušala da nametnuti svoja pravila za njihovu jedinu televizijsku debatu koja se nedavno održala i da zloupotrebljava svoju funkciju i obilazi birače tokom izbore kampanje o državnom trošku.

“U pogledu više tema ljudi smatraju da je Merkel odvojena od realnosti”, rekao je šef Socijaldemokratske partije (SPD).

Prema najnovijoj mjesечноj anketi Deutschlandtrenda za ARD, kršćanska unija CDU/CSU Angele Merkel dobila bi 38 posto glasova, a SPD 22 posto.

Schultz je i dalje uvjeren da bi mogao pobijediti, pozivajući se na studiju nedjeljnika Spiegel prema kojoj je 46 posto birača neopredijeljeno.

“Želim da doprem do njih. Ako uspijem, mogu pobijediti na izborima” 24. septembra, rekao je on.

Kritikovao je Merkelovu koja će koristiti vojne i policijske helikoptere tokom svoje izborne kampanje.

“Ona koristi državna sredstva da stigne do skupova u unutrašnjosti po nižim cijenama,” rekao je Schultz i ponovio da ga ne interesuje nova “velika koalicija” konzervativaca i SPD kao ona koja vodi Njemačku posljednje četiri godine.

“Ako ona želi da učestvuje pod mojim vođstvom sa CDU-om kao manjinski partner, možemo da vidimo. Ali ne vjerujem da ni konzervativci žele da nastave veliku koaliciju”, rekao je Schultz.



**Christian Kern**

## Ako ne pobijedimo, SPO ide u opoziciju

Lider Socijaldemokratske partije Austrije (SPO) i kancelar Christian Kern najavio je da, ukoliko izgubi na predstojećim parlamentarnim izborima, zakazanim za 15. oktobar, neće pripadati nijednoj vladi. On je, gostujući na državnoj televiziji ORF, rekao da će SPO otići u opoziciju, ako nakon izbora bude na drugom mjestu.

„Ako budemo prvi onda ću ostati kancelar, a ako ne pobijedimo onda ću SPO predvoditi u opoziciji, a Austrija će dobiti vladu Narodne stranke (OVP) i Slobodarske partije (FPO)“, upozorio je Kern. Također je dodao da OVP i FPO imaju ekonomski programe gdje se ne zna ko je od koga prepisivao. Kern je, činjenicu da SPO pod njim više ne isključuje mogućnost saradanje sa FPO, objasnio slabim političkim uspjehom takve politike, koja je vodila samo ka jačanju slobodaraca.



## Evropski Parlament

### Socijaldemokrati u Evropskom parlamentu podnijeli inicijativu za besplatni bežični internet u Evropi

Evropski parlament voljan je osigurati besplatni bežični internet za sve u Evropskoj uniji. Ukoliko prijedlog zakona prođe parlamentarnu raspravu 12. septembra, najmanje 6.000 općina EU dobit će besplatnu konekciju s internetom. Inicijativa WIFI4EU u preliminarnim raspravama po parlamentarnim odborima već je dobila podršku, te je EP za tu namjenu izdvojio 120 miliona eura. Plan je da, ako prijedlog prođe, EU, ali i neke države (trenutno) izvan Unije, do 2020. godine budu u cijelosti pokrivene besplatnim bežičnim internetom. - Pristup fondovima rezerviran je za javne

entitete koji imaju otvorene prostore za postavljanje rutera. Javni entiteti mogu biti biblioteke, bolnice, parkovi, autobuske i željezničke stanice i stajališta... – navedeno je u informaciji EP-a.

„Radi se o kvalitetnoj i brzoj konekciji. Ovime želimo pružiti priliku svima u Evropi da mogu pristupiti kvalitetnoj konekciji, bez plaćanja i nezavisno od toga gdje se nalaze, u svom gradu ili negdje u inozemstvu. I, posebno, dobra konekcija se pruža svima, bez obzira koliko novca zarađuju“, izjavio je Carlos Zorrinho, socijaldemokratski poslanik EP-a iz Portugala, koji je i inicirao ovaj pri-

**PES**  
SOCIALISTS &  
DEMOCRATS

**S&D**

jedlog i lobira za njegovo usvajanje u Parlamentu EU.

On ističe da će se omogućiti da općine ili grupe općina dobiju čak i cijeli iznos novca za projekat osiguravanja besplatnog pristupa internetu. Uslov je da se ta mreža ne može komercijalizirati i da projekat traje najmanje tri godine. Ako 12. septembra EP odobri plan, već od početka naredne godine moći će se aplicirati za sredstva, a Parlament će novac odobravati po principu prvih prijava.



Forum mladih SDP BiH oštro osuđuje ponovni napad na antifašističke tekovine države Bosne i Hercegovine i ime Josipa Broza Tita, najzaslužnijeg pojedinca iz narodnooslobodilačke borbe koja je donijela oslobođenje naše države od fašizma 1945. godine i dala državi sadašnje granice. Današnji istup mladog vijećnika SDA Tarika Dautovića jasan je pokazatelj revizionističkog odnosa mladih nacionalista, koji slijede svoje stranačke kolege, koji su ovu državu odvele u rat, ali i pokazuje da prate svjetski trend rastućeg fašizma. Svojim iskazom: „Neće glavna sarajevska ulica nositi ime tog zločinca, diktatora, vođe totalitarističko-komunističko-zločinačko-ateističkog sistema koji je zatirao svako sjeme muslimanskog, bošnjačkog intelekta. Zvat će se Alije Izetbegovića. I nikome se nećemo pravdati i prilagođavati.“ jasno pokazuje svoje lično nepoznavanje histori-

je Bosne i Hercegovine ili pokazuje samo vještu instrukciju starijih kolega iza stranke da fašizam bolje prolazi kad se mijenjaju činjenice.

Red je da mladog kvaziploitičara naučimo nekoliko činjenica iz bliže i dalje historije BiH.

Neka se prisjeti da je za vrijeme Tita izmijenjen Ustav SFRJ, tačnije 1974. godine i time dato pravo muslimanima da se izjasne kao ravнопravni naroda sa svim narodima i narodnostima tadašnje države, ali i da su vrlo odgovorne funkcije u tom sistemu obavljali upravo pripadnici islamske vjeroispovijesti-Muslimani.

Podsjetit ćemo i mladog vijećnika da posjeti Spomen park Vraca pa pročita imena narodnih heroja i boraca koji su dali živote za ovaj grad u Drugom svjetskom ratu. Vjerujemo da će naći pripadnike istog etničkog korpusa kao i on sam. Samo ovim činjenicama pada teza o „zatiranju

bošnjačkog intelekta“ i ne može se uzeti kao ozbiljna ocjena.

Također, da ga podsjetimo da su njegove kolege pokušale isto da urade 2004. godine i nisu uspjeli. Građani Grada Sarajeva ponosno su svojim potpisima rekli ne, u višemjesečnoj kampanji SDP-a protiv preimenovanja ove ulice.

I da ga podsjetimo još na jedno, Komisija za imenovanja ulica i trgova pri Skupštini Kantona Sarajevo tada nije donijela odluku da se dio sadašnje Titove ulice nazove po Aliji Izetbegoviću, bivšem predsjedniku Predsjedništva BiH i prvom predsjedniku postdejtonске Bosne i Hercegovine.

SDP BiH i Forum mladih jasno i glasno poručuje mladom vijećniku i SDA u cjelini.

**NE DAMO TITOVO ULICU.**



Organizacije mladih lijeve političke orijentacije iz tuzlanskog i sarajevskog kantona učestvovali su na panel diskusiji "Alternativne politike i mladi" koja se održala u Tuzli. Forum lijeve inicijative je podržao realizaciju kroz program Mini grantovi, koji se realizuje kao dio projekta YES u saradnji sa Međunarodnim centrom Olof Palme iz Švedske. Cilj ove panel diskusije bio je identificirati probleme sa kojima se suočavaju mlađi ljevičari u Sarajevu i Tuzli, sa pronalaskom rješenja – inovativnih ideja koja promovišu solidarnost između mladih, ali i prijedloga ka uključivanju većeg broja mladih u društvena dešavanja, okupljenih oko socijaldemokratskih ideja i vrijednosti. Tuz-

la, kao grad domaćin, nije izabrana slučajno, već kao grad sa socijaldemokratskom tradicijom. Panelisti na ovoj diskusiji, bili su mladi aktivisti Amela Kišić, Azra Gazibegović, Erna Delić i Mirza Krajina. Brojni problemi su identificirani ovom diskusijom, od kojih su najveći pasivnost mladih lijeve i socijaldemokratske orijentacije koja za posljediku ima isključenost iz javnih dešavanja lokalnoj sredini i regiji, kao i nepostojanje svijesti mladih o vlastitim mogućnostima za promjenu. Kao rješenje problema, panelisti su istakli nužnost održavanja aktivnosti koje su zanimljive mladima i koje su osmislimi mlađi, poput, uličnih akcija, panel diskusija, peticija, koncerata ili sportskih manifestacija, sa određenom porukom.

Mladi, bez obzira na mjesto prebivališa, zahtjevaju izgradnju kolektivnog identiteta koji će biti integrativan za cijelu BiH, koji će biti egzistencijalni, izvan postojećih dominantnih etnonacionalnih kategorija. Svi zaključci ovog panela predstavljaju alternativne politike – smjernice za inovativnije djelovanje mladih okupljenih oko ljevičnih, građanskih i ideja socijaldemokratije, uključenih u dešavanja u javnom životu. Učesnici panela iz Sarajeva su nakon održane panel diskusije, imali priliku da obiđu kulturnohistorijske lokalitete u Tuzli.

## Sretan je ovaj grad ako je Tito jedini problem

bošnjačkog intelekta“ i ne može se uzeti kao ozbiljna ocjena.

Također, da ga podsjetimo da su njegove kolege pokušale isto da urade 2004. godine i nisu uspjeli. Građani Grada Sarajeva ponosno su svojim potpisima rekli ne, u višemjesečnoj kampanji SDP-a protiv preimenovanja ove ulice.

I da ga podsjetimo još na jedno, Komisija za imenovanja ulica i trgova pri Skupštini Kantona Sarajevo tada nije donijela odluku da se dio sadašnje Titove ulice nazove po Aliji Izetbegoviću, bivšem predsjedniku Predsjedništva BiH i prvom predsjedniku postdejtonске Bosne i Hercegovine.

SDP BiH i Forum mladih jasno i glasno poručuje mladom vijećniku i SDA u cjelini.

**NE DAMO TITOVO ULICU.**

## Panel diskusija "Alternativne politike i mladi"



## Javne politike za jednake šanse

Fondacija Friedrich Ebert iz Srbije je u Vršcu realizovala seminar Socijaldemokratski aspekt i institucionalni aranžmani politike rodne ravno-pravnosti – Škola za razvoj regionalnih politika – javne politike za jednake šanse.

Učešće u seminaru su uzeli i mladi vijećnici Socijaldemokratske partije Bosne i Hercegovine, Danijel Pašić i Nermin Deljković, koji su svojim znanjem i iskustvom doprinijeli realizaciji navedene aktivnosti i obradi tema kao što su: javne politike i socijaldemokratski aspekt, socijalna država – modeli i koncepti, pisanje prijedloga

praktične politike i dr. teme.

Tokom seminara su se razmijenila različita znanja, iskustva i kontakti, kako od strane predstavnika i predstavnica partija lijeve političke orientacije, tako i od predstavnika i predstavnica iz regionala. Učesnici iz Bosne i Hercegovine, kao i predstavnice i predstavnici ostalih država učesnica, će nastojati u narednom periodu da izrade prijedlog nacionalne javne politike o rodnoj ravno-pravnosti.



### Potpredsjednica JUSOS-a Delara Burkhardt u posjeti SDP BiH

U posjeti SDP BiH boravila je Delara Burkhardt potpredsjednica JUSOS-a, organizacije mladih SPD-a Njemačke koja broji više od 70.000 članova. Domaćini su bili Irfan Čengić, generalni sekretar SDP BiH i Lana Prlić, potpredsjednica SDP BiH. Sastanku su prisustvovali predstavnici Forum-a lijeve inicijative i Friedrich Ebert Stiftunga, koji su organizovali posjetu Delare Burkhardt Sarajevu.

Na sastanku su razmijenjene informacije i iskustva ove dvije partie i omladinske organizacije sa proteklih izbora. SPD, nakon lošijih izbornih rezultata, na krilima novog predsjednika Martina Schulza, uspijeva privući nove glasače, a naročito mlade ljudi. Izbori u Njemačkoj zakazani su ovog mjeseca, planirana je posebna kampanja za mlade, a na sastanku se razmatrala i mogućnost pomoći u angažmanu i motivaciji njemačkih glasača bosanskog porijekla.

Ovo je nastavak dobre i pozitivne saradnje koju ove dvije sestrinske partie imaju. Obje partie, SDP i SPD su članice Partije evropskih socijalista, a delegacija naše partie nedavno je bila i na kongresu SPD-a. Naše omladinske organizacije FOM i JUSOS su obje članice IUSY-a i YES-a, te imaju intenzivnu saradnju na brojnim projektima. Na sastanku je izražena nada da će se otvoriti i intenzivnija bilateralna saradnja između dvije omladinske socijaldemokratske organizacije.

## Uspješno završena osma regionalna konferencija Vučko



Forum mladih SDP BiH u saradnji sa Forumom lijeve inicijative i fondacijom Friedrich-Ebert-Stiftung, ove godine bio je domaćin regionalne konferencije Vučko, koja već osmu godinu zaredom okuplja mlade ljudi iz ljevičarskih i progresivnih političkih stranaka regiona Zapadnog Balkana.

Centralna tema regionalne konferencije Vučko bila je „Ostajemo ovdje – Kako zadržati mlade ljudi u zemljama Zapadnog Balkana“. U fokusu su bila pitanja kako mlade ljudi zadržati u zemljama Zapadnog Balkana, odnosno kako zajednički pronaći rješenja za goruće probleme koji su ključni uzrok odlaska mladih ljudi.

Vučko političkim aktivistima nudi platformu za diskusiju o važnim problemima koji pogodaju sve mlade ljudi u regionu. Ove godine učestvovalo je 70 mladih iz političkih stranaka i nevladinih organizacija iz Srbije, Hrvatske, Crne Gore i Make-

donije. Pored predstavnika Forum-a mladih SDP BiH iz naše zemlje prisustvovali su i mladi aktivisti DF-a, NS-a i GS-a, te predstavnici lijevih i progresivnih NVO. Fokus na panelima bile su politike koje se smatraju ključnim uzrocima odlaska mladih a to su: nejednakosti i nezaposlenosti mladih, inkluzivno i kvalitetno obrazovanje, rodna ravнопravnost i porodična politika, promoviranje mobilnosti mladih za postizanje inkluzivnog održivog razvoja, te izgradnja miroljubivih i inkluzivnih društava kroz borbu protiv etnonacionalizma, eksremizma i fašizma. Tokom trodnevne konferencije na panel diskusijama učešće su uzeli brojni eksperti iz regionala i Evrope, ali i visokopozicionirani predstavnici ljevice u BiH.

U međusobnom dijalogu i diskusijama nastojalo se ustanoviti u kojoj mjeri mladi iz ljevičarskih i progresivnih političkih stranaka i nevladinih organizacija prepoznaju ove probleme i politike.



YouTube kanal SDP BiH ima više od 9.300 videa sa više od 2.000.000 jedinstvenih pregleda. Kanal je aktivan još od 2008. godine, a najgledaniji video pogledalo je više od 100.000 osoba!

Sve medijske istupe i snimke događaja koje SDP BiH organizuje nastojimo prenijeti i podijeliti na našem YouTube kanalu, kom možete pristupiti i preko portala sdp.ba ili putem naše aplikacije.

Ovdje donosimo nekoliko novijih videa koje možete pogledati skeniranjem QR koda!



## Nikšić: Stalo nam je do države BiH i mislimo da može biti puno bolje

Gostovanje Nermina Nikšića i Željka Komšića u emisiji Pošteno FTV-a na temu: Formiranje bloka ljevice.

Video pogledajte  
učitavanjem koda preko telefona ->



## Bećirović: Ovakvo ponašanje zastupnika je protuustavno, protuposlovničko i antidejtonsko

Izjava Denisa Bećirovića o nedolasku zastupnika HDZ-a, SNSD-a i SDS-a na sjednicu Ustavno-pravne komisije Parlamenta BiH.

Video pogledajte  
učitavanjem koda preko telefona ->



## Bijedić: U vrijeme SDP-a napravljen je osam kilometara ceste prema Neumu

Gostovanje Envera Bijedića u emisiji Novi dan N1 televizije gdje komentariše aktuelne političke teme u BiH.

Video pogledajte  
učitavanjem koda preko telefona ->



## Magazinović: Parlamentarna većina ne postoji i pitanje je dana kad će biti smjena Vijeća ministara

Izjava Saše Magazinovića o nepostojanju parlamentarne većine u BiH i gradnji Pelješkog mosta.

Video pogledajte  
učitavanjem koda preko telefona ->





Damir Filipović

## Nisu slijepo oči, slijepa su srca u grudima!

Šezdeset posto nije samo broj, nije samo procenat, to je postotak beživotnog mladog tkiva Bosne i Hercegovine. U tom procentu su životi bez perspektive, životi bez vizije, životi bez budućnosti, životi bez života. Da li je lakše boriti se ili odustati? Da li uopšte znamo protiv čega se borimo? Da li znamo gdje idemo?

Pitamo se da li je 60 posto nezaopštenih mladih dovoljno jak uzrok posljedice od 80.000 mladih koji su u prethodnom periodu napustili BiH i što se taj negativan trend nastavlja? Zapitajmo se da li bijela kuga posljedica ovakvog uzroka, da li je konstantan broj smanjenja upisa prvačića u osnovne škole normalno stanje?

Ne odlaze samo mladi obrazovani ljudi, odlaze cijele porodice bez obzira na nacionalnost, jer glad i neimaština ne poznaju nacionalne razlike. A aktuelna vlast nema ozbiljnu strategiju zaustavljanja odlaska stanovništva iz Bosne i Hercegovine.

Posao je riječ koja život znači. Posao je glavni razlog napuštanja, ove lijepe zemlje sa lošim ljudima. Potrebni su dodatni programi podrške, koji će većem broju mladih obezbijediti praksu, pripravnici i posao. Od posla sve зависi, pa i odlučnost zasnivanja porodice, odlučnost za potomstvo, ali ne i njima što ‘kolo vode’, oni ne vide i nikada neće vidjeti, jer nisu slijepo oči, slijepa su srca u grudima.

Šta nas zaustavlja da promijenimo ovo stanje? Strah! Strah je pokretač svega, ali i kočnica u djelovanju. Strah nas pokreće, da se branimo kada nam je ugrožen život, egzistencija, porodica! Ali isto tako, strah nas zaustavlja da djelujemo kada vidimo nepravilnosti u funkcionisanju! Opravdan je i jedan i drugi strah. Prvi je opravdan, jer ipak su to stvari koje nam više znače od nas samih. Drugi strah, također je opravdan, jer oni ne prezaju, spremni su da se obračunaju i sa tobom i sa porodicom. Spremni su na sve, osim da zaustave ovo apokaliptično stanje.

Samo ovdje odraz u ogledalu ima iskrivljenu sliku. Samo je ovdje čovjek imaginaran pojам. Čovjek bez dostojanstva i minimuma egzistencijalnih potreba, jeste prazna posuda u koju možeš nasuti sve što želiš. A pogrešne vrijednosti se sipaju godinama, a onda onda nam mladi odoše, pa skype, viber i ostala tehnologija bude domet emocionalne povezanosti.

Buđenje! To je pojам koji nam treba. Iritirajuća rečenica, od koje se ježim – „Šta ja mogu tu promjeniti, sve je isto i uvijek će biti, moj glas ništa ne znači!“ –zaboravljaš da je vas sa tim razmišljanjem puno više od onih koji kroje odijela koja ćete nositi svake četiri godine, da je vas skoro 50 posto.

Tih 50 posto mijenja sve, mijenja krvnu sliku države, stanje koje je niže od dna. I ništa se promijeniti ne može za kratak period, ali pokušajte. I dijete čeka da krv postane mlijeko. Ovdje je pokolj duša, nama je potreban Spritus movens. Što svako od nas može biti, pokreni sebe, da bi svima bilo bolje.

Mladi su taoci društva i dijelom sami krivi za svoj položaj. Da li želiš preuzeti krivicu ili biti taoc? Misliš li da tvoj glas ne vrijedi!? Pokušaj! Ne zbog sebe, nego zbog 60 posto onih koji žele život i zbog budućnosti!

Zapamtite, neuspjesi su dio životne škole. Ako želimo uspjeti, nema odustajanja, važno je pokušati ponovo. Nema predaje bez borbe.

Nekada nam se čini da je naša borba vječna i da nikada nećemo ugledati svjetlo na kraju tunela. Znam da smo svi umorni od borbe, i sam osjećam zamor, ali nije rješenje u odustajanju.

Budi ti Spritus movens! Ostao si u Bosni i Hercegovini, zato ne napuštaj mogućnost da živimo bolje, budi dio pokretačke snage!



# PRISTUPNICA

Aplikaciju je potrebno popuniti čitko, štampanim slovima. Sa \* su označena polja koja je potrebno obavezno popuniti.

## 1. LIČNI PODACI

Prezime*	
Ime*	
Pol*	
Datum rođenja*	
JMBG	
Broj lične karte	
Nacionalnost*	
Državljanstvo	
Bračni status	

## 2. PODACI O PREBIVALIŠTU

Ulica i broj*	
Poštanski broj i mjes	
Mjesna zajednica*	
Država*	

## 3. KONTAKT PODACI

Broj telefona*	
e-mail adresa	

## 4. PODACI O ČLANSTVU NA DRUŠTVENIM MREŽAMA

Ime na Facebooku	
Ime na Twitteru	

## 5. PODACI O ZAPOSLENJU

Status (zaposlen-a / nezaposlen-a / penzioner-ka / student-ica /)	
Naziv poslodavca	
Zaposlen na mjestu	

## 6. PODACI O OBRAZOVANJU

Stručna sprema*	
Zvanje / titula	
Zanimanje*	
Oblast zanimanja	
Poznavanje jezika	

## 7. RANIJI POLITIČKI ANGAŽMAN

Naziv političke stranke u kojoj ste	
Pozicija u stranci	
Period članstva	

## 8. ČLANSTVO U INTERESnim OBlicIMA ORGANIZOVANJA SDP

<input type="checkbox"/>	Forum mladih
<input type="checkbox"/>	Forum žena
<input type="checkbox"/>	Forum sindikalnih aktivista i aktivistica
<input type="checkbox"/>	Forum seniora / senioreki

## 9. VIDOVI ANGAŽMANA ZA KOJE STE ZAINTERESOVANI

<input type="checkbox"/>	djelovanje u zakonodavnoj vlasti
<input type="checkbox"/>	djelovanje u izvršnoj vlasti
<input type="checkbox"/>	razvoj i organizaciono jačanje SDP BiH
<input type="checkbox"/>	profiliranje politike i stavova SDP BiH u oblasti (upisati)
<input type="checkbox"/>	drugo (upisati)

Mjesto i datum

Potpis člana / članice

sloboda, jednakost, solidarnost